

Հովհաննես Մկրտիչյան, ազգն Աբգանյան դուրս եկավ,
Մակեդոնն լսելով՝ շանն ազգական դուրս եկավ,
Հոգվով քեպեռ քաշեկամ, բայց օտարական դուրս եկավ,
Քե կամիս՝ այս անունն անամ, ո՛ր տեղան դուրս եկավ:

Պսպն իմ Փարակեցի Հովհաննես Ավետիսյանն,
Ազգի անվամբ Աբգանյանց, դալիս ու մեռ Հաշտաբանն,
Թիֆլիզու Սայաթ-Նովու խաղերն ասելով տանն,
Քաշեկամեն Սայաթ-Նով հավելուն վերս անվանն,
Ու և հայրն իմ Մկրտիչ անվամբ՝ Սայադյան դուրս եկավ:

Ես ետեա նվաստս, ազգիս բնությունն բաշելով,
Սեռ տվեցիմ խաղերի՝ մանկական սիրտս տաշելով,
Ի միջի առնությունս միտն էտոնումս մտշելով,
Բազում երգ հորինեցի՝ վերջում անունս հիշելով,
Երբեմն Սայադ-Սղլի, մերթ Սայեադ-Սղլան դուրս եկավ...

Այստեղից տեսնում ենք, որ Աստրախան աեղափոխված փարակեցի Հովհաննես Ավետիսյան-Աբգանյանն այնքան շատ է սիրում երգել Սայաթ-Նովայի խաղերը, որ նրան մականվանում են «Սայաթ-Նով»։ Այդ պատճառով էլ նրա՝ այդ Հովհաննեսի Մկրտիչ որդին կոչվում է Մկրտիչ Սայադյան։ Վերջինիս զամանկն էլ, որ կրելիս է եղել պոպի տները (Հովհաննես), իր ազգի բնությունը քաշելով, այսինքն՝ երգեր երգելով և նոր երգեր հորինելով, իրեն կոչում է մերթ Սայադ-Սղլի, մերթ Սայեադ-Սղլան, մերթ էլ ուղղակի «Սայաթ-Նով»։ Պարզ է, որ այս տոհմը ազգակցական որևէ կապ չունի Սայաթ-Նովայի գերդաստանի հետ։

Այստեղ հետաքրքրական է նաև մի օտիչ հանգամանք։ Մատավոր հաշիվներով պիտի ընդունել, որ փարակեցի Հովհաննես Ավետիսյան-Աբգանյանը ծնված պիտի լիներ 1558 թվականից շուրջ 100 տարի առաջ, այն է 1750-ական թվականներին, երբ Սայաթ-Նովան զեռ պալատական երգիչ էր։ Հետևապես ես, որպես երգերի և հատկապես Սայաթ-Նովայի երգերի սիրահար և հաջող կատարող, Սայաթ-Նովայի երգերը կարող էր սովորած լինել 1770-ական թվականներին, զարծյալ երգչի կենդանության տարիներին։ Կենդանի, ես եղել է Սայաթ-Նովայի երգերի կենդանի սկզբնաղբյուրներից մեկը, որը հավանաբար ունեցել է նաև համապատասխան երգարան։ Այս հոդի վրա ծագում են մի շարք հետաքրքրական հարցեր, որոնք սակայն առայժմ մենում են անպատասխան։

Ահա երգիչների մի ամբողջ տոհմ, մատանգական երեք սերունդ (զույգն և ավելի), որը մեծանուն Սայաթ-Նովայի երգերի հզոր հմայքով, տարերայնորեն որդեգրվել է նրա զերգաստանին՝ ստեղծելով մի գեղեցիկ թյուրիմացություն, որի բացահայտումն անգամ առավել ուժեղ թելերով է նրանց կապում միմյանց հետ։

Ա. ՄԵԱՅԱԿԱՆՅԱՆ

ԿԵՆԴԱՆԱԿԱՆ ԱՇԽԱՐՀԸ ՀԱՅԿԱԿԱՆ ՄԱՆՐԱՆԿԱՐՉՈՒԹՅԱՆ ՄԵՋ

Հայկական միջնադարյան ձեռագրերում հայտնի են բազմաթիվ մանրանկարներ, որոնցում պատկերված են զանազան կենդանիներ ու թռչուններ։ Դրանք գրաֆիկ բնույթի վավերագրեր են, որոնք որոշ չափով օգնում են կենդանաբանական-պատմական մի շարք հարցերի լուսարանմանը։ Ուսումնասիրելով Մաշտոցի անվան Մատենադարանի մի շարք ձեռագրերը, առանձին ուշադրություն դարձրեցի զննեցիք և ընդհանուր պոետիկ արտանկարեցիք մի շարք կենդանաբանական ուշագրավ մանրանկարներ։ Դրանք մեծ մասամբ հանդիպում են ձեռագրերի աջ կամ ձախ լուսանցքներում, երբեմն որպես գլխազարդանկարներ։ Վերջին դեպքում մանրանկարները մեծ մասամբ գունավոր են։ Մանրանկարների մեջ կան կատարյալ ռեալիստական նմուշներ, բայց հաճախ որոշ շեղումներով ընօրինակից, որոնք, սակայն, չեն խանգարում ճանաչելու ունակ կենդանուն։

Մեր ուսումնասիրած մանրանկարները ձեռագրի բովանդակության հետ ամենևին կապ չունեն, պատահական բնույթի են։ Ուշագրավն այն է, որ վերարտադրված են մեծ մասամբ


Հայաստանի կենդանիները՝ Արտ մանրակարները հետաքրքրական են երկու տեսակետից. մի կողմից պատկերանում են Հայաստանի կենդանական աշխարհի տարածված օրյեկտները, զազափար են տալիս Հայաստանում հանդիպող կենդանիների մասին, մյուս կողմից՝ հավանական է դառնում այն ենթադրությունը, որ Հայաստանում եղել են մարդիկ, որոնք սիրել են ընտելությունը, ուսումնասիրել կենդանական աշխարհը ոչ միայն այս կամ այն աշխատությունների շղթայում, զրբերից կամ ուրիշ ձեռագրերից են ծանոթացել կենդանիներին, այլև իրենք տեսել, դիտել են, ուսումնասիրել նրանց իրենց ինական շրջապատում, կյանքի, վարքի տարրեր մոմենտներում։ Այդ երևում է, մանավանդ, գինամիկ ընտելի մանրակարներից, որտեղ օրյեկտները պատկերված են որևէ կենսական գործողության մեջ՝ պայքարում, սնունդ հայթայթելիս և այլն։

Որոշ մանրակարներ երբեմն հեռավոր նմանություն ունեն դիտված օրյեկտին։ Կան այնպիսիներ, որոնք մանրակարչի երևակայության աղեկցության տակ, նրա զեղարվեստական ձաշակի թելադրանքով զեղեցկացված, գունավորված են գույների պատահական համադրություններով, երբեմն էլ ոճավորված են շատ բարդ և գունավոր զարդերով։ Մանրակարների մեջ կան նաև այնպիսիներ, որոնք կատարված են հմուտ նկարչի ձեռքով, ունիստորեն, տեխնիկական լիովին զրազետ և բնական գունավորությամբ։ Եղարվեստորեն և ճիշտ նկարված մանրակարներն այնքան ցայտուն և պատկերավոր են, որ անմիջապես ճանաչվում է Հայաստանի կենդանական աշխարհի ունի ներկայացուցիչը։ Նթև որևէ զրավոր վավերագրում չիշատակվում է այս կամ այն կենդանին, բնթերցողը կարդալով է իմանում կենդանու նկարագիրը, իսկ մանրակարը բնական տեսքով յուրյ է տալիս կենդանու կերպարը։ Քանի որ մեր ուսումնասիրած մանրակարների ճնշող մեծամասնությունը պատկերում է Հայաստանի կենդանիներին, ապա ուրեմն, կարող է որոշ չափով ազդուր հանդիսանալ Հայաստանի կենդանական աշխարհը ճանաչողության համար։

Կանգ առնենք այժմ մի քանի կոնկրետ օրյեկտների բնութագրման վրա, բնութելով ամենաբնորոշ և ցայտուն օրինակները։ Ամենից առաջ աչքի են բնկնում նկարիչներ Ռոսլինի (XIII դ. Ավետարան, 1287, Կիլիկիա), ապա Գասպար Նրեցի (XVII դ., Նոր Զուգա, 1660) մանրակարները։ Ռոսլինի նկարները օժտված են բարձր նկարչական տեխնիկայով, ճշտորեն վիրարտագրված է կենդանու կերպարը, գունավորումը վառ և կայուն է, լավ պահպանված։ Մաշտոցի անվան Մատենադարանի Ա. 349 ձեռագրում (10, 13, 268 էջերում) նկարված են էգ և զրջերու։ վալբի բաղ և վալբի այծ, որոնցից վերջինը շատ բնորոշ է և նման Ա. 7347 ձեռագրում (6, 7, 8, 10, 16 էջերում) իսկույն ճանաչվում են ալկիոնը, աղավենին, սուլբանական հավը, առաղիլը։ Տարբեր ձեռագրերում նկարված են կաշաղակ, կախավ։ Վերջինն ըստ երևույթին Հայաստանում ամենասիրված և տարածված թռչունն է ևղել, այգ է պատճառը, որ նա հաճախ է հանգիստում մանրակարներում։ Ա. 189 ձեռագրում նկարված են զորշ առջ (էջ 44), գիշատիչ թռչուն ցինը՝ անհանգիստ վիճակում (էջ 516), շատ բնորոշ է զեղևավուն գունավորությամբ անտառառնակ թռչուն պիոլը (էջ 471), բուռ, ապա 1700 թ. ձեռագրում՝ երկու փայտփոռ։ Մի շարք այլ ձեռագրերում հանդիպում են Հայաստանի կենդանական աշխարհի այլ ներկայացուցիչներ՝ առջ, քալ, բնձառյուծ, ջելբան, վալբի այծ, վալբի ուլխառ, նապաստակ, այծյամ։ Թռչունների նկարներն ալկի հաճախ են հանդիպում. օրինակ՝ առաղիլ, սառնղ (մեծ ու փոքր), առոս, ներկառառ, ալկիոն, խաղտրտնիկ, աղոավ, առծիվ և ուրիշներ, սողուններից՝ օձ, անոտ մոզես՝ զեղենափոբիկ։

Մեր ուշադրությունն առանձնապես զրավել են այն մանրակարները, որոնք պատկերում են կենդանուն որոշ գործողության մեջ, գինամիկ ընտել ունեն։ Ահա երկարատու ու երկարակտուց տառեղը, որ իսկույն ճանաչվում է, մանավանդ զլխի վրայի զեպի ետ ձգված բնորոշ փետրափնջով. տառեղը զլուխը վեր ձգած կուլ է տալիս որսած ձուկը (ձեռ. Ա. 352, էջ 431), Ահա գիշատիչ գայը (ձեռ. Ա. 189, էջ 464), որը մարմինը կծկել է և պատրաստվում է բնչու։ Նույն տեղում նկարված է ևղջերուն այնպիսի տեսքով, կարծես խուսափում է ինչ-որ թշնամուց կամ էլ պատրաստվում է հանգստանալու։ Նույն ձեռագրում (էջ 465) պատկերված է փոքր տեսակի տառեղը՝ կտուցը բաց, արագ բայվածքով, ըստ երևույթին շտապում է զեպի նկատված որսը։ Ահա երկու փայտփոռ մազլցում են ծառի բնով, միջատներ բռնում ճեղքերում (էջ 466)։

Նկարչական բարձր տեխնիկայով պատկերված է խիստ ուշադրավ մի մանրակար՝ այծյամի և բնձառյուծի պայքարը (էջ 470). բնձառյուծն արղեն իր ժանիքները խրել է այծյամի կուրծքը, հեծել նրա վրա իր մարմնի ամբողջ ծանրությամբ. այծյամի մարմնի անօղևական գիրքն այնքան վարպետորեն և ցայտուն է պատկերված, որ զգացվում է այծյամի անհուսալի



Մանրանկարների նմուշներ

1. Արագիլի և օձի մարտը, 2. Կաչաղակ, 3. Կտրաժ, 4. Տառնդր ձուկ է կուլ առիտ, 5. Զեյրան, 6. Եղջերու, 7. Գայլ, 8. Ընձառյուծը հարձակվել է ալժյամի վրա, 9. Քաղտըտնիկ, 10. Ալկիոն, 11. Բադե

վիճակը և անխուսափելի վախճանը՝ Նրկու կենդանիներն էլ բնորոշ են Հայաստանի կենդանական աշխարհի համար՝ Գույները համարյա բնական են։ Նման էպիզոդ պատկերված է № 7623 ձեռագրում (1655 թ., Կաֆա)։ այս անգամ արծիվն է հարձակվել նապաստակի վրա, սակայն եթե արծվի գունավորումը քիչ թե շատ մոտ է բնականին, նապաստակին՝ անբնական է, պատահական (կապտավուն)։ Այնուամենայնիվ, երկու կենդանիների դիրքն էլ՝ հարձակվողի և պաշտպանվողի, արտահայտված է ճիշտ՝ 1318 թ. № 206 ձեռագրում (նկարիչներ Ստեփանոս և Օհան) պատկերված է արագիլի և օձի մենամարտը. արագիլն օձին կտուցի մեջ է առել երկու տեղից. ամուր սեղմել այնպես, որ օձը շնչասպառ բացել է բերանը՝ Օձի դիրքը, մարմնի դալարումները բնական տեսք են տալիս կատաղի մարտին։ Կենդանիները գունավորումը ունի է, միայն օձի գլուխը դիտողը լավ չի պատկերել, կամ էլ ցանկացել է ավելի ահեղ դուրս բերել, նմանեցնելով առասպելական վիշապի գլխին։

Շատ հետաքրքրական է XVI դարի մի ձեռագրում (№ 8924) նկարված Հայաստանում տարածված ջերմերձի՝ վաղրի մոմենտին։ Նկարի շուրջը ռեալիստիկ շրջանակ է զծագրված տերևներից. իսկ ամենահետաքրքրականն այն է, որ կենդանու տակ տառերով գրված է «ջերմերձ»։ Սա մեր ուսումնասիրված մանրանկարների միակ օրինակն է, երբ մակագրված է կենդանու անունը։

Քերված օրինակներով չեն սահմանափակվում բազմաթիվ ձեռագրերում եղած կենդանիների մանրանկարները։ Ոչ միայն կրոնական դրեր են նկարազարդված Հայաստանի կենդանական աշխարհի տարածված տեսակներով, այլև որոշ տաղարաններում են հանդիպում կենդանական մանրանկարներ։ Այդ երեւում է Արշակ Չոպանյանի Ֆրանսերեն թարգմանած տաղարանների ժողովածուներից։ Մանրանկարների մեջ գերակշռում են բազմատեսակ ճնճղուկազգի երզող թռչունները, որոնցով հարուստ է Հայաստանը։ Ավելի սակավ հանդիպում են դարձյալ կարավր, արագիլը (մեկը՝ օձ որսայիս), փոքրիկ բվեր, բաղնիկներ, Կաթնասունները շատ քիչ են ներկայացված, բայց աչքի են ընկնում Հայաստանում տարածված վայրի այծը և վայրի ոչխարը։ Դրանք երկուսն էլ դիմամիկ վիճակում են, այծը՝ վաղրի մոմենտին, ոչխարը՝ նստած, գլուխը վեր ձգած։ Նկարիչը ոչխարի բերանին դրել է ռեալիստիկ օղակ։ Այծը և ոչխարը պատկերված են իրենց բնորոշ եղջյուրներով, այնպես, որ իսկույն ճանաչվում են։

Մանրանկարների մեջ հազվագյուտ են այն կենդանական օբյեկտները, որոնք բնորոշ չեն Հայաստանի համար, բայց օտար երկրներից բերվելով Հայաստան՝ որպես հազվագյուտ օրինակներ պահվում էին խառնների կալվածքներում՝ բուսաբանական այգիներում (երուրաստաններում)։ Դրանցից է, օրինակ, Հնդկաչինից (Հարավային Ասիա) բերված սիւրմազը, որի ռեալիստիկ մանրանկարները հաճախ են հանդիպում ձեռագրերում։ Չոպանյանի գրքում բերված խառնափառի մանրանկարը վկայում է, որ Հայաստանում, ըստ երևույթին, պահվում, աճեցվում էին հազվագի խառնափառ, որոնք Աֆրիկայի կենդանական աշխարհի բնորոշ ներկայացուցիչներ են։ Այդ մանրանկարները ընդօրինակված են X դարի հնագույն ձեռագրից։

Մեր ուսումնասիրած մանրանկարները, կապ չունենալով ձեռագրերի բովանդակության հետ, ինչպես տեսանք, օժանդակում են Հայաստանի կենդանական աշխարհին ծանոթանալուն։ Բնական տեսքով, հաճախ բնական գունավորությամբ, ճիշտ արտահայտված բնորոշ արտաքին հատկանիշներով այդ մանրանկարները պատկերում են Հայաստանի կենդանական աշխարհի տարածված ներկայացուցիչներին։ Այդ մանրանկարները, ինչպես և ըստ ակադեմիկոս-կենդանաբան Պավլովսկու՝ ֆուկլորում արտացոլված որոշ կենդանաբանական գիտելիքները, կարող են լինել չգրված գիտության տարրեր։

Իհարկե, մեր բերած օրինակներով չի սպառվում կենդանական մանրանկարչության ուսումնասիրությունը. անհրաժեշտ է բացահայտել նոր փաստեր։ Ակադեմիկոս Պավլովսկու առաջադրած դրույթը ժողովրդական բանահյուսության կենդանաբանական տարրերի ուսումնասիրության մասին պետք է ընդունելի համարել և այդ տեսանկյունով վերլուծել նաև հայկական բանահյուսության կենդանաբանական տարրերը։

Ռ. ԳԱՐՐԻԵԼՅԱՆ